

चमत्कार



भिक्षु अश्वघोष

चमत्कार

भिक्षु अश्वघोष

आनन्दकुटी

नेपाल सम्बत १०६६

बुद्ध सम्बत २५२२

विक्रम सम्बत २०३५



प्रकाशक

धर्मकीर्ति बौद्ध अध्ययन गोष्ठी

श्रीघः, नघः टोल

काठमाडौं

मुद्रक :- शाक्य प्रेस, अंबहा त्वाः, ये । फोन- १३६०४

थःगु खँ

थ्व सफूया नां चमत्कार तया । पाठक वर्गते काचाकाचां थ्व सफू ब्वना यंकी बले आशां घाय् फु । छाय् धासा सफूया नां हे चमत्कार । थथे धाय् बले गज्योगु अद्भुतगु ज्याया वारे च्वया तल ज्वी धका मती च्वनी । ज्योतिषतसें धयाहगु छगू निगू खँ मिले ज्वी बले की आश्चर्य चा । मन्त्र तंत्रं तारनी तया वोक्सी लाइबले कीपि आश्चर्य चा । थज्योगु ज्या यात चमत्कार धाइ । तर थ्व सफुती च्वया तगु खँ अज्योगु पत्ति चमत्कार मखु ।

थ्व सफु छापे जुया च्वं बले त्रिशूली याम्ह उपासक छम्ह नाप ला बल । तुरन्त न्यन आ पिहाँ वेत्यंगु छु सफू थें ? जि लिसः बिया चमत्कारया वारे च्वया तयागु सफु । हानं प्रश्न न्यन ऋद्धिया वारे ला ? मखु, मखु धया लिसः बिया कि बुद्धं लः व मिथें मिले मजूपिन्त मिले याना ब्यूगु व सारिपुत्र महा-स्थविरं थःत दामेसिया छ्येँ भोजन विज्यागु खँ आदि ।

थुलि खँ न्यने धुनेवं थः बाज्याया चमत्कारया लँ न्ह्यथना जि नापला वोम्ह सांगु (त्रिशूली) या उपासकं कना हल— जिमि बाज्या छथाय् गामे वंबले ध्यवा त्यासा कया तम्ह मनु छम्ह नाप लात हँ । छं ध्यवा वी हे मत्योनि ला ? धका न्यन उथाय् वया नं पासा तम्ह मछि दु हँ । वं धाल हँ छंगु ध्यवा गुबले कयागु मखुगु खँ धाय् ज्यूला धका साहुयात न्यताले यांकया दाया बिल हँ ।

अवले थुखे साहुया मनूतसें व मनूयात ज्वना दाल हँ
 बरा साहुयात दाइम्ह धका । अबले उपासकया बाज्यां ए !
 ए !! दाय् मते । व अज्ञानि जुया जिके ध्यवा कया नं मकया
 धका तँ चाया उल्टा जित हे दाल । म्वाल का वयात दाय्
 मते । कीपि नं वथें अज्ञानि छाया् ज्वी धया छिने याना बिल
 हँ ।

कन्हे खुनु सुथ न्हापनं व मनू ध्यवा प्वः ज्वना साहु
 याथाय् वया क्षमा पवन हँ । म्हिग पासापिथाय् न्ह्योने ध्यवा
 हि धागुलि इज्जत वन धका तँ पिकया साहुयात दाय् लात । जि
 म्हिग न्ह्यो हे मवो । ध्यवा कया दिसँ ना धका बी हल हँ ।
 थ्व गज्योगु चमत्कार । थज्योगु चमत्कार या खँ थुकी दुथ्याना
 च्वंगु दु । द्योवं न्वंवा थें, आकाशं ब्वया वने थें, लखे द्योने
 न्यासि वने थें ज्यागु चमत्कार मखु । आशा दु पाठक वर्गं
 बांलाक विचार गाका थ्व सफू ब्वना थ्वीका व्यवहारे छयला
 स्वै धैगु ।

जिगु लेखन ज्ञक्रियात बल ब्यूम्ह धर्मकीर्ति विहार यात
 आपालं धन्यवाद दु । प्रेसयात नं धन्यवाद मब्यूसे च्वने मफु ।

ध्यानकुटी, बनेपा, योमरिपुन्ही ।

भिक्षु अश्वघोष

प्रकाशकीय

धर्म प्रचारया साधनत व लँपु तपु मछि दु । धर्मकीर्ति विहारं बौद्ध शिक्षा द्वारा धर्म प्रचार याय्त, धर्मकीर्ति बौद्ध अध्ययन गोष्ठी छगू देका शनिबार पतिकं क्लाश थें याना ल्यासि ल्यायम्हतेत बुद्ध धर्मया ज्ञान बिया च्वना । सुथे सुथे न्हि न्हि मिसा मचात व मिजं मस्तेत नं बौद्ध शिक्षा बिया च्वना । थुकिया नाप नापं विहारे वे मलापिनि लागि बौद्ध धर्म थ्वीका वीत बुद्ध धर्मया सफुत छापे याना बुद्ध धर्म प्रचार याय्गु साधन ल्वीका कया । थुगु कथं सफू छापे यायां थुगु चमत्कार नां दुगु सफू नापं (५७) न्ये न्हेगूगु सफू प्रकाशन याय् खना जिपि धर्मकीर्ति बौद्ध अध्ययन गोष्ठीया परिवार साप ले ता ।

धर्मकीर्ति विहारं आशा यानागु सिकं अपो बुद्ध धर्मया सफूत पिकाय् खंगु थन विहारया उपासक उपासिका पिनिगु सक्रिय आर्थिक सहयोग दुगुलि खः । थुगु सफू छापे याय्त नं आर्थिक सहयोग बिया दीपि बुद्धिरत्न स्थापित तथा चन्द्रमाया, रत्नमाया, तीर्थमाया पित्त हार्दिक धन्यवाद बिया च्वना । थथे हे मेमेपिसं नं धर्मदान याना अनुकरण याना दी धयागु आशा व विश्वास दु ।

धर्मकीर्ति विहार
थोमरि पुन्ही २६।८।०३५

धम्मबती
अध्यक्ष
धर्मकीर्ति बौद्ध अध्ययन गोष्ठी

धर्मदान

परलोक वने धुं कु पिनिगु गुण लुमंका थें धर्मदान याना
पुण्य तोता बियेगु कर्तव्य धर्म खः धयागु धर्मकीर्ति विहारे वाखँ
न्यना तथा थें थ्व चमत्कार धयागु सफू छापे याना धर्मदान याना
चवना थुगु पुण्यं दिवंगत पिता धर्मरत्न स्थापित, माता आशा-
माया स्थापित तथा वेकपिनि दिवंगत काय् मोतिरत्न स्थापित
पिन्त निर्वाण सुख प्राप्त ज्वीमा धका कामना याना थ्व सफू
धर्मदान यानापि—

Dhamma.Digital

काय म्हाय्पि
बुद्धिरत्न स्थापित
चन्द्रमाया ”
रत्नमाया ”
तीर्थमाया ”

चमत्कार

धा

मिक क्षेत्रे ध्यान प्राप्त याना, ज्ञानलाभ जूगु खः मखु धका परीक्षा याइगु हे चमत्कार क्यने फु मफु धका स्वैगु जुया च्वन । चटक क्यने थें वा ऋद्धि क्यने थें चमत्कार क्यने फत धासा सिद्धि प्राप्त जूम्ह महापुरुष खः धका विश्वास याइ, अरहन्त खः धका भो भो सु सु पूजा या ज्वी ।

भगवान बुद्धया पाले नं छम्ह सेठं ताहाकगु पं छपुइ श्रीखण्ड यागु पात्र छग खाया अन सुं भिक्षु छम्ह तोगु खन कि छपिं अरहन्त खः सा व पँथे थाहाँ वना उगु पात्र कया बिज्याहुँ । थव खँ स्वेबले पँथे थहाँ वना श्रीखण्डया पात्र काय् फेवं हे अरहन्त जुल । उलि याय् फेव तुं अरहत ज्वीगु ला ? संसार विचित्र खः । ऋद्धि चमत्कार धयागु आध्यात्मिक उन्नतिया चिं ख । तर संसार नं मूर्ख व पँथे पात्र खाया ब्यूम्ह नं गुलि मूर्ख । अथे हे अबले भगवान बुद्धया शिष्य जुया च्वंपिं भिक्षुपिनं मूर्खपिं दु । थव खँ बुद्धं भिक्षुपिन्त “मोघ पुरिस” धका ब्वो बिया तगुलि प्रमाणित जू । मोघ शब्द या अर्थ मूर्ख वा फुसुलुम्ह धागु खः ।

२)

अवले पँथे खाया तगु श्रीखण्डया पात्र पिण्डोल भारद्वाज धयाम्ह भिक्षुं व पँथे थाहाँ वना कया बिल । व भिक्षुं मती तल आ बुद्ध धर्मया नाँ च्वन । छाया धासा वया ल्यू ल्यू यवव लस्कर वन । मनूत भो भो सू सुं वन्दना यावन । पिण्डोल भिक्षुं मती तल आः जि पक्का हे अर्हत जुल ।

अले बुद्धं धया विज्यात— जि शिष्य भिक्षु पिसं थथे सर्कस कयने थें याना धर्मया प्रभाव कयन धासा धर्मया नामे त्याग याइपिन्त परोपकार याइपिन्त समाजे छुँ थाय् दै मखु । धर्म तामाशी जूवनी । थुकथं मती तथा बुद्धं भिक्षुपिं सकलें दुथाय् पिण्डोल भिक्षुयात सःता न्वाना श्रीखण्डया पात्र तच्छयाका विज्यात । आर्वनिसें भिक्षु पिसं ऋद्धि कयने मज्यू धयागु नियम देका विज्यात ।

थथे धका बुद्धं ऋद्धि कयना हे विमज्या धका मती तेगु मखु । तरसकं अभिमानो पिनिगु न्हाय त्वत्थुलेया लागी अथवा इमिगु अभिमान दमन याय्या लागी गुबलें गुबलें ऋद्धि वा चमत्कार कयना विज्यागु खँ त्रिपिटके थासं थासे खने दु ।

तर बुद्धया विचार अनुसारं धात्थें चमत्कार धयागु अथवा ऋद्धि धयागु शत्रु व मित्र निम्ह सम खनेगु वा लः व मिथें मिले मजूपिं नापं तथा मिले याना वियेगु खः । भगवान बुद्धं दुष्ट देवदत्त व थः काय् राहुल कुमार निम्हसितं समान खना विज्यात धयागु त्रिपिटके उल्लेख दु । बुद्ध थें ज्यामेसिनं शत्रु यात व मित्रयात समान खने फु धाय्बले पत्यामजू धाय् मागु मडु । थव छगू तःधंगु बुद्धया चमत्कार खः ।

सारिपुत्रया चमत्कार

भगवान बुद्धया खँ छखे तेनु । वसपोलया अग्र श्रावक सारिपुत्र महास्थविर या चमत्कार छक लुमंके नु ।

बुद्धया पाले उपासक उपासिका पिनि खँ जुल- जिमि आर्य गुरु न्ह्यागु खेँ नं साप सहयाय् फु । धन्य खः आश्चर्य खः न्ह्याम्ह सिनं ब्वो ब्यूसां, दासा नं गथे भनं सहयाय् फुगु ! थुगु प्रशंसा याना च्वँथाय् ब्रम्हु छम्ह नं दुगु जुया च्वन ।

वं न्यन- सु व थपाय् सकं सहयाय् फुम्ह, दासां तँचाय् मसम्ह ?

उपासक तसें धाल- जिमि सारिपुत्र भन्ते ।

ब्रम्हु नं धाल- दासा नं तँ मचासे सहयाय् फुम्ह सारिपुत्र का मखुला ?

उपासकपिसं लिसः बिल- वसपोल सु खना नं तँचाय् मसः ।

ब्रम्हु नं स्वेका तँचाय् मसः धागु ! जि वयात तँचाय्का मब्यूसें गन तोते धका घाघां सरासरं वन । कन्हे खुनु-सारिपुत्र

४)

महास्थविर भिक्षा विज्याइगु लँपुइ पिया च्वन । वसपोल सरा-
सर भिक्षा विज्याना च्वंबले मुर्किं छ्याना यांकया जनफाते
दाया बिल । सारिपुत्र महास्थविरं पुसे हे मयासे सरासर
थःगु लँ लिना विज्यात ।

ब्रम्हुया साप सुख मन्त । सुनां दागु धका छक लिफः हे मस्व
का । गज्योम्ह थ्व भिक्षु ! धात्थे तँचाय मसम्ह खः । तस्सकं
हे चित्त वःलाम्ह खः पवित्रम्ह खः । ब्रम्हुया ग्याना वल । म्ह
चि चि धया चिमिसँ छाँ छाँ वल । नुगले डाह जुया वल ।
ब्वाँय् ब्वाँय् वना सारिपुत्र महास्थविरया पालि ज्वना क्षमा
फो वन ।

सारिपुत्र महास्थविरं न्यन— छाँय् छं छु यागु दु धका क्षमा
फोनागु ?

नकतिनि छपिनि जनफाते यांकया मूर्किं छ्याना दायाम्ह
जि हे खः । छपि न्ह्यामसिनं दासां तँ चाय् मसः धागु खं न्यना
थे तँचाय् मसः धागु खः ला मखुला धका परीक्षा यानागु
खः । छल्पोल धात्थे हे सहयाय् फुम्ह पवित्रम्ह खः । जि तःधंगु
पाप कर्म याय् लात । जिगु चित्ते मि पूरे डाह जुया च्वन ।
जित क्षमा याना विज्याहुँ धका प्रार्थना याना च्वन ।

सारिपुत्र महास्थविरं धया विज्यात— क्षमा जुल, छन्त
आनन्द ज्वीमा ।

ब्रम्हु नं धाल— क्षमा जक बियां मगा थौं जिथाय छेँ भोजन
याना विज्याहुँ अले जक जिगु मम याउइ ।

एसा नु ! धका सारिपुत्र महास्थविर ब्रम्हुया छ्ये विज्यात । भोजन नं याना विज्यात ।

उखे उपासकत सारिपुत्र महास्थविरया जनफाते ब्रम्हुनं दाया विल धागु खवर न्यना तँचाया स्या हे स्यायगु धका ल्वहँ, अप्पा व कथि ज्वना ब्रम्हुया छ्ये क्वे वना मुना— चाण्डालम्ह ब्रम्हु पिहाँ वा, छ जिमि गुरु यात दाइम्ह छन्त बाकि ते मवु धका हाला च्वन ।

सारिपुत्र महास्थविरं ब्रम्हुयात पात्र ज्वंका पिहाँ विज्यात । वसपोल पिहाँ विज्यागु खना उपासकत कस्के जुल । क ! वया-थाय् हे भोजन याना पिहाँ विज्यात । हानं जोश वया धाल—

भन्ते ! व दुष्ट या ल्हाति पात्र कया विज्याहुँ । बयात ब्वना यंका विज्याय् मते ।

सारिपुत्र महास्थविरं न्यन छाय् ? छु खँ ?

छल्पोल यात विना छुं दोष मदेकं थ्व ब्रम्हु नं दाल धागु न्यना । उकिं थ्वेत जिमिसं ठीक याय् मानि ।

सारिपुत्र महास्थविरं धया विज्यात— जित दागु खः । छिमित ला मदा ? छाय् छिपि जागे जुया वयागु ? थ्वं जिके क्षमा फोने धुंकल । जि क्षमा नं बी धुन । भोजन नं याके धुंकल सिधल । हुँ थथःगु छेँ धका छोया विज्यात । वसपोल नं विहारे विज्यात ।

थुखे विहारे नं भिक्षुपि खँ ल्हाना च्वन— थःगु जनफाते दाम्ह ब्रम्हु याथाय् सारिपुत्र महास्थविर भोजन विज्यात का !

६)

वसपोल थें ज्यामेसित दाय फुम्हं मेपिं भिक्षुपिन्त छाया मदाइ ।
अज्योमेसिथाय भोजन याय हे मज्यू धयागु नं मस्यूला व सारि-
पुत्रं । ब्रम्हुया जात, नेगुली आशा मतंनि धका सारिपुत्र
महास्थविरया आलोचना याना च्वन ।

अवले लाक्क भगवान बुद्ध अन विज्याना न्यन- ए
भिक्षुपिं छु खँ लहाना च्वनागु ?

भिक्षुपिसं धाल- सारिपुत्र महास्थविर अपाय् सकं प्रजा-
वानम्ह जुया नं थःत दाया व्यूम्ह ब्रम्हुया छें भोजन याना
विज्यागु तस्सकं हे मखुगु ज्या याना वल धका जिमि खँ जुया
च्वंगु खः ।

भगवान बुद्धं धया विज्यात- धात्थेंयाम्ह ब्राह्मण मेपिसं
दाल धका ब्वो विल धका हानं वयागु प्रति द्वेष भाव तथा
ज्वी मखु, दाया त्वाना ज्वी मखु । थन छम्ह नकलिम्ह गृहस्थी
ब्राह्मणं धात्थें याम्ह ब्राह्मण यात दाया विल । छुं हे दोष मदुम्ह
धात्थें याम्ह ब्राह्मण सारिपुत्र यात बिना कारणं दागु तँया
ळोके खः ।

थःगु मने दनावैगु तँमं थतन्तुं नाश याना बी । थ्व तँ
तना वनीगु अनागामी धयागु मार्ग खः । हानं वसपोलं धया
विज्यात- “यदि सुनानं निर्दोष मेसित दाल धासा व निन्दनीय
खः वयात निन्दा याय । हानं दामेसित बदला कायगु नियतं
सुनानं दाल धासा वयात फन निन्दा याय ।”

थ्व घटना वाखने सारिपुत्र महास्थविरं ब्रम्हु नं दाल धका

सहजक यागु मखु दामेसिष्या छेँ तुरन्त भोजन या विज्यागु
 क्षान्ति व मैत्रीया ज्वलन्त उदाहरण खः । ध्व तःधंगु चमत्कार
 खः । ध्व तःधंगु ऋद्धि खः । उकिं तँकाली ब्रम्हुया मन वदले
 जुल । सारिपुत्र महास्थविर या आध्यात्मिक उन्नति जूगुलि
 मखा थःत दाम्ह धका मती मत्ते तँ मचासे वया छेँ भोजन
 विज्यागु । ध्व चमत्कार कीपि थें जापिके दै मखु । छाय्
 धावले कीगु चरित्र उलि पवित्र मजू । कीके अज्योगु मैत्री
 बल मदु । मैत्री नं गनं दै, नुग क्वाटा क्वाटां मुद्गु ईष्या,
 करपिसं भिगु याना थाहां वंगु खना लेताय् मफैगु द्वेष भाव,
 त्याग चेतना मदुगु लालच, थुपि फुकं कीगु मने ख्वं थाना च्वंगु
 दु । उकिं याना न्ह्याक्व म्हुतु पिचुसानं, धर्मया खँ ल्हाना
 च्वंसा नं नुग हाकुगु गथे खः अथेन्नुं । अले गनं आध्यात्मिक
 उन्नति, गनं चमत्कार क्यने फै ।



कंजूसम्ह सेठबा मन हिल

भ

गवान बुद्ध श्रावस्ती जेतवन विहारे बिज्याना च्वंबले थी थी याना मनूतसें बुद्ध प्रमुख भिक्षु संघ यात दान विया च्वन । छन्हु तथागतं अनुमोदन याना त्राखँ कना धया विज्यात—

दान वीपिं प्यंगू प्रकारयापिं दु । गुलिं थगु धन खर्च याना थम्हं जक दान वीपिं । इमित भोग सम्पत्ति जक दै तर पासापिं व थःथितिपिं दै मखु । गुलिं थमं नं दान बी मेपिसं नं दान वीकि, थथे याइपिन्त धन नं दै, गुहालि वीपिं नं दै । गुलिं कर-पिसं जक दान बी कि थम्हं बी मखु । थथे जुल धायवं धन सम्पत्ति मदेका पासापिं जक दै अर्थात परिवार जक दै । गुलिं थमं नं दान बी मखु मेपिन्त नं वीकि मखु, वयात न धन दै, न परिवार दै ।

थुलि खँ न्यने धुनेवं अन त्राखँ न्यना च्वंम्ह छम्हेस्यो भोग सम्पत्ति व परिवार सम्पत्ति नितां दैगु कथं थम्हं नं दान बी मेपिन्त नं दान वीकेगु मती वल । भगवान बुद्ध याथाय् वना वन्दना याना निवेदन यात— कन्हे छपिं प्रमुख सकल भिक्षुपिं

भोजन या लागी विज्याहूँ । बुद्धं मौन जुया स्वीकार याना विज्यात ।

व उपासकया भगवान बुद्धं निमन्त्रणा स्वीकार यागु खना साप ले तातां लिहाँ वना थगु त्वाले च्वंपिं फुकसितं धया फुफु पिसं फुफुथे सहायता ब्यु, जाकि दुमेस्यां जाकि ब्यु, आलु दुमेस्यां आलु जक चन्दा ब्युसां ज्यू धका चन्दा पवं जुल । थुकथं चन्दा काकां छगू तःधंगु जाकि वजि पसले थ्यन । ध्यवा यक्व दुम्ह महाजन जुया च्वन । तर नुगः नं उतिकं हे स्याम्ह जुया च्वन । व साहु नं धाल— थःगु धनं जक दान बियां मगाः करपिके नापं चन्दा कया दान वीत सना जुल का धका असन्तोष भावं स्वपतिं चां जाकि निगचा कथा बिल । व चन्दा काम्ह उपासकं व नुगःस्याम्ह साहुया जाकि निगचा अलग रूमाले प्वचिना यंकल । अलग जाकि तया यंकुगु खना साहुया मन आकुल व्याकुल जुल । छाय् जि बियागु जाकि अलग प्वचिना यंकुगु । बेइजत जकं याय्त ला धका थःथाय् च्वंम्ह च्यो छम्ह ल्यू ल्यू छोया विल छु याइगुथे स्वया वा धका ।

उपासक सरासर वना थिचा थिचा जाकि दों चिना तगु- लिसं नुग स्याम्ह साहुयाथाय् कया हगु जाकि निगः निगः फुके सनं तया प्रार्थना यात— व साहु यात जय ज्वीमाः उधार ज्वीमा, यक्व पुण्य लाय मा । थ्व खँ नुगस्याम्ह साहु नं सिल । एनं वया मती खः कन्हे भोजन याकी बले चन्दा वी पिनिगु नां न्यंका इज्जत काइगु मखा ज्वी । छुं जुया जिगु नां कया जाकि निगचा बिल धका बेइज्जत यात धासा स्वाहे स्याना बी

धका चुपि ज्वना वन ।

भगवान बुद्ध प्रमुख भिक्षु संघ विज्यात । भोजन लः
ल्हायत सकलें तयार जुया च्वंवेले आयोजना याम्ह उपासकं
धाल- थ्व दान विया च्वनागु जि याकचिगु सम्पत्ति मखु ।
थःम्हं नं फुथें त्याग याना अले त्वाले च्वंपि सकसिके चन्दा
कया थ्व दान त्रिया च्वना । भचा जक सहयोग ब्यूपिन्त नं
आपा सहायता ब्यूपिन्त नं समान रूपं फल पावे ज्वीमा धयागु
मनमुवां थ्व दान विया च्वना ।

थ्व मैत्री पूर्णगु शुभ कामनाया खँ न्यना कंजूसम्ह साहु
तस्सकं आश्चर्य चाल । थःत थूलिमछि मनूते न्ह्योने वेइजत
याइ । अथे जुल धासा वयात स्याहे स्यायगु मती तथा वयांला
अःख धका जुल । वया ला साप मछाला वल । क्षमा पवन
माल धका उपासक याथाय् वना माफि पवन । उपासकं अजु-
गति चाया न्यन- छं छुयागु दु धका क्षमा पवना च्वनागु ?
साहु नं- चन्दा कावले जाकि स्वपति चां विसें निसेंया कल्पना
यानागु खँ फुकं कन । बौद्ध धयापिके धात्थें यागु मैत्री चित्त दु
धयागु थौं तिनि थुल धाल । (फुकसिके- मखु)

शाक्यमुनि बुद्धं थ्व खँ ल्हाना च्वंगु न्यने धुंका उपासक
याके छु खँ जुया च्वंगु धका न्यना विज्यात । अले कंजूसम्ह
सेठया वारे जूगु खँ फुकं उपासक कना विल । तथागतं खँ
थ्वीका धया विज्यात- पुण्यकर्म धयागु भतिचा प्रका हेला
यायगु ठीक मजू । भतिचा जक पुण्यकर्म यासां उकिया फन
आपालं दु । चिकिचा पुगु पुसा पिना गपाय् मागु सिमा बुया

वो । अथे हे भिगु ज्याया फल तःधं समक्रे ज्वीमाः ।

बुद्धया धर्म देशना सिधेवं कंजूसम्ह सेठ सोतापन्न जुल ।
अर्थात् दृढ श्रद्धा दुम्ह, शंका मदुम्ह अले अंधविश्वासं मुक्त जुया
मार्ग फले थ्यंम्ह जुल ।

थन बौद्ध उपासक यागु चमत्कार आदर्श काय् वह जू ।
चन्दा का 'म्ह उपासकं स्वपतिचां ब्यूगु जाकि सुं क वांछोया ब्यूगु
जसा कंजूसम्ह महाजनया मन वदले मज्जीगु खं । जाकि निगचा
ब्यूमेसित नं उलि हे पुण्य लाय्मः धका शुभ कामना याना
विल ।

Dhamma.Digital (धम्मपदट्टकथा)

थौकन्हेनं उपासकत धापि चन्दा कावनी वले थूलि हे
तेमा, छर्काचा काय मखु धका हाला च्वपि दु । छमोहचा छर्का
चा काय्मखु धायगु ठीक मजू । बुद्धया पाले याम्ह उपासकं
क्यंगु चमत्कार थौकन्हे यात साप ज्याय् खेले दु । नुग नं पिच
म्हुतु नं पिचु पिसं जक थज्योगु चमत्कार क्यने फै ।



बुद्धया चमत्कार

बुद्धं बुद्धत्व प्राप्त याना धर्मचक्र प्रवर्तनं लिपा वसपोल उरुवेल (गया) विज्यात । अन न्यासः स्वसः व निसः चेलात दुपि स्वम्ह दु । इपि स्वम्ह दाजु किजात खः । इमिगु नां उरुवेल काश्यप, नदी काश्यप व गया काश्यप खः । इमिथाय् च्वंम्ह घोरविष दुम्ह सर्पयात दमन याना दाजु किजा स्वम्हं बुद्धया शिष्य जुल । न्हिन्हि यज्ञ होम याना च्वंपि भिक्षु संघया सदस्य जुल । इपि स्वम्ह दाजु किजा साप अभिमान दुपि खः । अभिमानीतेत दमन याय्त भगवान् बुद्धं ऋद्धि प्रातिहार्य (चमत्कार) क्यना विज्यागु पालि साहित्ये गनं गनं खने दु ।

आ थन न्ह्यथने त्यनागु चमत्कार अज्योगु पति मखु । निम्ह लः व मिथे शत्रु जुया च्वंपि कोशल जुजुया मुख्य मुख्यपि मन्त्रीपि निम्ह मिले याना विज्यागु चमत्कार या खँ न्ह्यथने त्यना ।

भगवान् बुद्ध श्रावस्तीस अनाथपिण्डक महाजनं देका ब्यूगु जेतवन विहारे विज्याना च्वंवले सिगु घटना खः ।

कोशल जुजुया मंत्रीपि मध्ये मुख्यपि निम्ह नाप लाथाय् तक्क त्वाना च्वनीगु, इपि त्वाना जूमां कोशल जुजुया योपि जुया च्वन । ज्याय् खेले दुपि जुया च्वन । उकि कोशल जुजुं इपि निम्ह मिले याय् धका गुलि कुतः यात मिले याय् मफु । थः थिति व पासापिन्त धया मिले यायत सन तर मिले याय् मफु । भगवान बुद्ध यात निम्ह मन्त्री पिनिगु त्वापुया खँ थ्यंका विल ।

गौतम बुद्धं छन्हू दिचा याना विज्या— जुजुया मंत्रीपि निम्हस्यां मने भचा द्वेष भाव कम जुल धयागु सीका सुथे पात्र ज्वना भिक्षा विज्यात । छम्ह मंत्रीया लुखा न्होने दना विज्यात । मंत्री वन्दना याना बुद्धयात दुने सःता आसन लाया फेतुका सत्कार पूर्वकं भोजन याकल । भोजन सिधे धुंका मैत्री सम्बन्धी उपदेश बिया विज्यात । (मैत्री धयागु द्वेष व शत्रुतां मुक्त ज्वीगु यात धाइ । अथवा सकसितं पात्ता समखे ज्वीगु यात मैत्री धाइ । म्हतुं जक मखु मनं निसें पासा भापीगु लक्षण हे मैत्री खः ।)

मैत्रीया बारे उपदेश न्यने धुंका मंत्रीया मन क्यातुया वल । अले बुद्धं चतुआर्य सत्य (दुःख दुःखया कारण, दुःख मदैगु व दुःख मदेकेगु लँपु आर्य अष्टांगिक मार्ग) या खँ कना विज्यात । थुलि न्यने धुंका व मंत्री स्रोतापन्न जुल । हृदय परिवर्तन जुल ।

तथागत व मंत्री स्रोतापत्ति फले थ्यंगु खँ सीका वयागु

लहाती पात्र ज्वंका मेम्ह मंत्री या छेँ विज्यात । उम्ह मंत्री नं स्वागत याना भगवान् बुद्ध यात फेतुना वन्दना यात । भगवान् बुद्धया ल्यू ल्यू वना छ्खे लिवक फेतुत ।

शाक्यमुनि बुद्धं मैत्री या महत्वया वारे धर्म देशना याना धया विज्यात— सुंनापं वैर व द्वेष भाव दया च्वन धाय्वं मने गुवले सुख धयागु दै मखू । आध्यात्मिक शान्ति दै मखु । मैत्री भावना याय् माः । मैत्री भावना अभ्यास याय् फत धासा फिच्छगू फल दु—

१) न्ह्यो सः वैगु, वा न्ह्योगु, म्ह उखें थुखें सनेगु आदि मदेक शान्त पूर्वकं न्ह्यो वै ।

२) वाकाजक वया म्ह त्यानुसे च्वना धुप्यनेगु वानि मदया सुथे पलिस्वां ह्वेथें याउँक न्ह्यलं चाइ ।

३) सर्पं न्याइगु, खुँ लिना हइगु, धुँ लिना हइगु आदि ग्यानापुसे च्वंगु सपना खनी मखु ।

४) हिरा मोति पलिस्वाँ थें सकस्यां येका च्वने दै ।

५) द्योतेनं येका च्वने दै ।

६) देवतापिसं रक्षा याइ ।

७) मि नैगु, वीख व शस्त्र अस्त्र भयं मुक्त ज्वी ।

८) चित्त याकनं एकाग्र ज्वी ।

९) ख्वा यच्चुसे च्वना बाँलाइ ।

१०) बेहोश जुया सिनावने माली मखु ।

११) मैत्री ध्यान वःलाम्ह अरहत ज्वी मफया वन धासां नं जीवने शत्रु धयाम्ह सुं दै मखु, सी धुंका तं ब्रह्मलोके थ्यनी ।

थुपिं मैत्रीया किं छगू फल न्यने धुनेवं शत्रु खना तँ पिकया च्वंम्ह मंत्रीया मन घ्यो थें नाइसे च्वना ख्वाया रूप यच्चुसे च्वन । अले तथागतं चतुआर्य सत्यया खँ कना विज्यात । उपदेशया अन्ते उम्ह मंत्रीनं स्रोतापत्ति फले प्रतिष्ठित जुल ।

निम्ह परस्पर शत्रु भालपा च्वंपि वं वयाके वं वप्राके, क्षमा फोना थःगु दोष खंका स्वीकार याना मिले जुल । इमिसं थ्वीका काल जि धयागु भावना व अभिमानं क्रोध याना तँ पिकया हि छ्वेका च्वना । जुजुं, थः पासापिसं, थः थितिपिसं गुलि समऊं यात नं ल्वाना च्वना । थौं भगवान बुद्धं तिनि जिमिगु वैर भाव मदेका विल । धन्य भगवान बुद्ध । आः साप मन याउँसे च्वन धका थःथः खँ ल्हाना निम्हं मिले जुया आनन्द पूर्वकं जीवन हना च्वन । निम्हेस्या छगू हे मन व विचार जूगु खना देशे सकभनं लेले तातां भगवान् बुद्धया चमत्कार या बारे चर्चा याना च्वन । भिक्षुपिनि पुचले नं धन्य तथागतया ऋद्धि प्रातिहार्य ! अन्य बुद्धया चमत्कार ! धका खँ जुया च्वन ।

(उरगजातक) ★

मैत्री भावना

अहं अवेरो होमि, अब्या पज्जोहोमि, अनीघोहोमि सुखी अत्तानं परिहरामि अहं विय सब्बे सत्ता अवेरा होन्तु अब्या पज्जा होन्तु, अनीघा होन्तु, सुखी अत्तानं परिहरन्तु । । अर्थ जि वैरी मदुम्ह ज्वीमा । द्वेष मदुम्ह ज्वीमा । रोग मदुम्ह ज्वीमा । जि सुखी ज्वीमा । जि थें सकल प्राणीपिं वैर भाव मदुपिं ज्वीमा । द्वेष भाव मदुपिं ज्वीमा । निरोगीपिं ज्वीमा । जि थें सुखीपिं ज्वी मा ।

थथे मैत्री भावना यात धाय्वं च्चे कना तगु किं छता फल प्राप्त ज्वी ।- ★

बुद्धया चमत्कार

बुद्धं मनूतसें आशा याःथे थःगु मनो वलं ऋद्धि
चमत्कार क्यना बिज्याय् फु गथे कि चटक वा सर्कस थें । तर
अज्योगु चमत्कार सिकं व्यवहारिक चमत्कार, मनूनं मनूयात दया
तेगु, करूणा तेगु, उपकार याय्गु गुण क्यनेगु थौया समाज यात
आवश्यक जुया च्वन । गुण धर्मं जागु जीवन माला च्वंगु दु ।

गज्योगु जीवन यात गुण धर्मं जाःगु जीवन धाइ अथवा
व्यवहारिक चमत्कार धयागु गज्योगु थ्व सीका ते मागु खँ खः ।
थ्व खँ थ्वीका बीया लागी बुद्ध कालीन घटना वाखँ छपु
न्ह्यथने ।

छगू समये भगवान बुद्धं दानया वारे उपदेश विया
बिज्यात । अन छम्ह श्रद्धालु ध्यवानं यक्व दुमेस्या वाखँ न्यने
धुंका मती तल-दान धयागु थम्हं नं करपिन्त नं बीकेगु उत्तम
धका बुद्धं धया बिज्यात । जि नं भगवान बुद्ध प्रमुख दोछिम्ह
भिक्षुपिन्त भोजन याके माल । त्वाले च्वंपि फुकसितं सूचना-
बी सकसिगुं गुहाली कया यायगु बाँला । थथे मती तथा

भगवान बुद्ध याथाय वना वन्दना याना कँसया लागी निमन्त्रणा यात । वसपोल बुद्धं मौन जुया स्वीकार याना बिज्यात ।

व उपासक त्वा त्वाले वना धावन- का भाजु मेजुपि भाइपि- कँस बुद्ध प्रमुख दोछिम्ह भिक्षु पित्त भोजन याकेगु जिम्मा कया वया । की सकसिनं गुहाली बिया पुण्य कमाय् याना सुगति वनेगु स्वे माल । सुनां गोमेसित भोजन याके फु ?

थुलि न्यने धुनेवं गुलिसिनं न्याम्हेसित, गुलिसिनं किमेसित, गुलिसिनं ५० म्हेसित गुलिसिनं सच्छि, न्यासः आदि भिक्षुपित्त भोजन याकेगु जिम्मा काल ।

छगू त्वाले गरीबम्ह छम्ह दु गुम्ह कि न्हि खाना न्हि न्हि ने माम्ह । व उपासक उम्ह गरीबम्ह मनू याथाय् वना दान बीगु खँ कन । व गरीबम्ह मनू नं धाल- साहु जी, कन्हे नेत थन जाकि छग मदु, दान बीगु गन कया । जिपि थें गरीब पित्त दान बीगु खँ छाया् लहानागु ? हाकनं भिक्षुपित्त गरीबपि छुं ज्याय् खेले मदु । भिक्षुपिनि ध्यवा दुपि नाप जक सम्बन्ध दु । का ! साहुजी दान बीगु खँ लहाना दो मते ।

अले उपासकं धाल- स्व ! छ गरीब धका जि नं स्यू । छं सुयातं छुं नं मविल धाणा छ न्ह्यावले आमथे गरीब ज्वीका, सुनानं बास्ता मदेका चबने माली । थौकन्हे थःथिति पासापि धयापि बी फुसा जक दैगु । छं भतिचा अपो मेहनत याना कमाय् याना दान ब्यु, पासा पित्त छक निक नकि अले छन्त पत्या याइ, पासापि दया वै ।

उपासक यागु खँ न्यना व गरीब मेस्यां खः का धका थ्वीका छम्ह भिक्षु यात भोजन याकेगु जिम्मा काल । वं कलाम्ह नाप सत्लाह याना भिक्षु छम्हेसित बाँलाक भोजन याके माल । फीके छुं मदु । कन्हे जि न्हापनं सि पाः वने । छ नं न्हापनं साहु ते थाय् कुतिवा हुँ ।

कन्हे खुन्हु न्हापनं साहु छम्हे सिथाय् वन । साहुया नं भचा न्हापनं वोसा ज्यूका धका मती तया च्वंगु इले थ्यंक वन । साहुया सच्चिद्धम्ह भिक्षु पित्त भोजन याकेगु जिम्मा कया तगु जुया च्वन । उकिं सि फायकेगु हथाय् जुया च्वंगु खः । व गरीबम्ह ज्यामि न्हापा न्हापा सोया नं मेहनत याना बाँलाक व यक्व देक सि फाया च्वन । साहु नं न्यन-

थौं ला छं म्हीग म्हीग सोया नं मेहनत याना बाँलाक ध्यान तया सि फाया च्वन छाय् ?

गरीब मेस्यां लिसः बिल- साहुजी जि भिक्षु छम्हेसित भोजन याकेगु जिम्मा कया तया । जिमि नेत हे छुं मदु । थौं भचा अपो कमाय् याय् माला च्वन । उकिं न्हापनं वया परिश्रम याना सि फाया च्वनागु ।

वयागु खँ न्यना साहुया मती वन- गज्योम्ह मनू थ्व । थपाय्सकं गरीब जुल नं भिक्षु छम्हेसित दान बीगु मनसुवा याना च्वन ।

धन्य खः थ्वया श्रद्धा । सि फाय् सिधेवं साहु नं वयात ज्याला या रूपे मसिनु जाकि प्यमाना बिल । बाँलाक सि फाया

ब्यूगुलि प्यमाना जाकि अपो विया छोट । जाकि अपो लाभ जूगुलि लेले तातां छेँ वना कलामेसित धाल जाकि या धन्ना म्वाल । कीत नेत नं गाक्क दत । छन्त प्राप्त जूगु ज्याला या घ्यो, चिकं मसला व तरकारी न्याना हति । कलामेस्यां नं कुति वा वंथाय् च्वंम्ह साहुनी ले ताया अपो ज्याला पावे जुल । मागु मसला आदि सामान न्याना हल । वाउँचा तरकारी भिगु माः धका तरकारी वाली दुथाय वना न्याना हल ।

साप लेले तातां जोरे याना च्वन । अबले मेम्ह मनु छम्ह नं दान वी मन दुम्ह तर धन मदुम्ह व गरीब मेसिथाय् वन । वना जि नं जोरे याय् सः गुहाली वी ज्यू ला धका न्यन । साक्क जोरे याय् सः सा ज्यू तर ज्याला वीगु छुं मदु धका लिसः विल । व मनुखं धाल- ज्याला म्वाः, धर्म जक माः । थुलि सां पुण्य इना काय् खन । जोरे याना च्व च्वं भोजन याकेगु ई त्यल । गरीबम्ह मनु सरासर उपासक याथाय् वना न्यन- गो ! जिथाय् भोजन याइम्ह भिक्षु ?

उपासकं धाल- घा ! छन्त भिक्षु छम्ह वी घयागु खः तर लोमन । फुक्क सिनं भिक्षुपि ब्वना यंके धुंकल ।

थुलि जक न्यने धुनेवं गरीब मनुया छ्यने भ्वखाय् ब्वल । वं धाल- गथे उपासक जुया नं आमज्योगु भा मदुगु खँ ल्हायगु ला ? जि गरीबम्ह, दान वी मफु धाय्क धाय्कं बाखँ कना भिक्षु छम्हेसित भोजन याकेगु नां च्वका आ आमथे खँ ल्हायगु ला । धिवकार का गरीब ज्वोगु । जित गुलि हिप्पे यागु धका

छ्यने लहा तथा ख्वया च्वन ।

अन मुना च्वपिं मनूतसें छाया् ख्वयागु धका न्यंबले फुकं खँ कन । फुकसिनं उपासकयात ख्वा ख्वा त्यात । उपासक जुया नं आमथे इमान मदुगु खँ ल्हायगु ला ! वयात भिक्षु छम्ह बी हे माः ।

उपासकया छुयाय् छुयाय् जुल । मेपिनि छेँ वना भिक्षु छम्ह माल धा बले जिमि भोजन याके धका छेँ विज्याकार्पिं छम्ह नं भिक्षु बी फँ मखु धया हल । छेँ लिहाँ वया धाल—

आः करूणा वान्म्ह भगवान् बुद्ध छस्ह हे जक भरोसा दनि । वसपोल गरीबपिनि प्रति दया दुम्ह खः । उकिं छ तप्यंक बुद्ध याथाय् वना थःगु दुःखया खँ कं । वसपोल पक्कां छंथाय् भोजन विज्याइ ।

भगवान् बुद्धया नं सुथं निसें करूणां दृष्टि वहे गरीबम्ह खंका विज्याना च्वन । भगवान् बुद्ध याथाय् महाराजा व राजकुमारपिं वया च्वंगु भोजन याकेत व्वना यंके धका ।

व गरीबम्ह सरासर भगवान् बुद्ध याथाय् वन । अन मुना च्वपिं साहु महाजन तसें धाल— भगवान् बुद्धया भोजन याय् मधुं कुनि, छ पवँ वे हथाय्, हुँ पिहाँ हुँ ।

वं धाल— जिं नं स्यू वसपोलया भोजन मयानि धका । जि पवँ वयाम्ह मखु । भगवान् बुद्ध छक दर्शन याय्गु तःघंगु आशा कया वयागु धका प्रार्थना यात । अबले भगवान् बुद्ध पिहाँ विज्यात । व गरीब मेस्यां वन्दना याना थःगु दुःखया खँ

वसपोल यात प्वंकल । कृपा तथा भोजन या लागी विज्याहुं धका प्रार्थना यात । भगवान बुद्धं वयात पात्र (गुल्पा) विया विज्यात । भगवान बुद्ध ब्वना यंके धका पिया च्वंपि साहु महाजनत पाक जुया वं वयागु वं वयागु खा सोया च्वन । इमिसं व गरीव मेसित धाल- ए ! आम पात्र हति छन्त दोलंदो दां बी । छन्त जीवन भरि नेत गाक्क सम्पत्ति बी धका साहु महाजन व राजकुमार तसें धाल नं मव्यु । क्कन छु धाल धासा- इन्द्र याना बी धासां थ्व पात्र बी मखु । जित ध्यवा मागु मदु । थौं भोजन याके दुसा जि इन्द्र या सिकं तःधं ज्वीगु जुल ।

भगवान् बुद्ध करुणा हृदय दुम्ह खः । वसपोलं अज्योम्ह गरीवमेसिगु छेँ विज्यात । साहु महाजनत व राजकुमारपि नं ल्यु ल्यु वन भोजन ताले मलात धासा पात्र ज्वना भगवान् बुद्ध यात ब्वना यंके धका मती तथा ।

गरीव मेसिगु वल्चाया लुखा ची दुवाचा । तर भगवान बुद्ध विज्याबले लुखा तःदुवा जुया वल । (अर्थात वसपोल सुविधा पूर्वकं कुमछुसे दुहाँ विज्यात भोजन) जोरे याना तगु पिनें निसें बास वो । भोजन तथा ब्यूगु, स्वाद दुगु खँ वले साहु महाजनत आश्चर्य चाः । इमि म्हुतुइ ई बुया वल । इपि निराश जुया लिहाँ वन । भगवान बुद्धं भोजन याना धर्मदेशना याना विज्यात । गरीवम्ह मनू श्रद्धा धनं तःमि जुल । अवलें निसें मनू- तसें वयात पत्या यात । वया पासापि दया वल । न्हि न्हि अपो मेहनत याना कमाय् यात । पासापिन्त व मेमेपिन्त नं नके त्वंके यात । लिपा श्रद्धां जक तःमि जूगु मखु धन सम्पत्ति नं

दया परिवार सम्पत्ति नं दुम्ह जुल ।

ध्व वाखँने भगवान बुद्धया चमत्कारं याना गरीबम्ह छम्ह सुधार जुल । गरीब यात भगवान बुद्धं थे कर्हणा तथा अथे उपकार याईपि उस्त मदु । ध्व गज्योगु बुद्धया चमत्कार । थज्योगु चमत्कार पाखे उस्त मनूते ध्यान मवं । केवल लखे न्यासि बने फँगु आकाशं ब्वया वने फँगु, साइ बाबाया चटक थें जागु चमत्कारे मनूते विश्वास व श्रद्धा तचो । क्पालं वासः व जंत्र वां छोया हइगु चमत्कार पाखे नं यक्कोस्या मन वं । ★

उपासिकाया चात्कार

भ

गवान बुद्धया पाले राजगृहे पूर्णं धयाम्ह संठं छम्ह
दु । व महाजन बुद्धया उपासक जुया च्वन । वया याक म्हाय्
छम्ह नं दुगु जुया च्वन । वया नां खः उत्तरा । वौम्ह गथे बुद्ध
धर्मे श्रद्धा दुम्ह खः अथे हे म्हाय् नं श्रद्धा दुम्ह जुया च्वन । दान
धर्मे व वाखँ न्यनेगुली साव हे मन वंम्ह जुया च्वन ।

व उत्तरा ल्यासि जूवले सुमन धयाम्ह साहुया काय् यात
विया छोट । तर इपिं धासा बुद्ध धर्मे श्रद्धा मरुपिं जुया च्वन ।
बुद्धया नां नं काय् मयोपिं जुल । उकिं उत्तरा उपासिकाया बुद्ध
प्रमुख भिक्षुपिन्त दान वी मखंगु व वसपोल पिनि पाखे वाखँ
न्यने मखना साव सुख मता । भिक्षुपिनि वर्षावास च्वनीगु
ई ज्वीधुंकल । उत्तराया पासापिं नाप लाबले सीकल वर्षावास
सिधइगु वाछि जक बाकि दनि ।

छ्येँ थ्यनेवं बौ यात चिट्टो छपौ च्वत ।
जि योम्ह वा,

न्हिथंया नमस्कार दु ।

थौं बायात साप द्रुःखी मनं थ्व पौ च्वया च्वना । जित
घ्यबा यक्व दुगु साहुतेगु कुले बिया हल; तर जिगु लागी तःधंगु

बन्धने कयंका व्यूगु व दुखमय जीवन याना व्यूगु समठे जुया ।
थन वसें निसें छक नं बुद्धया दर्शन मद्दु, न बाखँ हे न्यने खँ ।
उकिं जिः जीवन धिक्कार खः । वर्षावास सिधङ्गु बाछि जक
बाकि दनि । आतकं छं पुण्य कर्म याय् मखंनि । आशा दू
जिगु इच्छा पुरे याना बी धयागु ।

वाःया योम्ह म्हाय्
उत्तरा

म्हाय्यागु पौ ब्वना स्वयां पूर्ण सेंठया मने दुःख जुल ।
तुरन्त म्हाय् यात पौ छपौ छोया बिल ।

योम्ह म्हाय् उत्तरा,

पौ थ्यन । खँ थुल । छुयाय् ध्यवा दुपि धका छन्त अन
बिया छोयागु खः इमिगु स्वभावया वारे ध्यान बी मफुत । आ
छन्त थ्व पौ नापं ३००००१-स्वीदो दां बिया हे च्वना ।
सिरिमा धयाम्ह न्हि दोछि दां काइम्ह बेश्या छम्ह दु । वया
थाय् वना फिन्यादो दां बिया फिन्यान्हु या लागी छिमि भात
या सेवा याना व्यु धका धया नापं ब्वना छिमि भात यात लः
ल्हाना छं फिन्यान्हु तक दान बिया पुण्यकर्म या ।

छं योम्ह अबु
पूर्ण

करूणां जागु अबुया पौ थ्यनेवं ध्यवा ज्वना उत्तरा सिरिमां
बेश्या याथाय् बना फिन्यादो दां बिया थगु खँ प्वंकल । ब
राजी जुल । सिरिमां ब्वना उत्तरा थः भात थाथाय् वना

फिन्यान्हुया लागी थ्वं छिगु सेवा याइ, जि दान विया धर्मकर्म
याय्तेना

सिरिमाया खा खनेवं उत्तराया भात मोहित जुल । उत्तरा
यात फिन्यान्हुया लागी विदा विल । उत्तराया लेले तातां
टहरा छगू देका भोजनया सामान जोरे याकल । भगवान बुद्ध
प्रमुख भिक्षुपिन्त फिन्यान्हुया लागी निमन्त्रण विया वल ।
स्वीकार नं जुल । उत्तराया भोजन ज्वरे याय्गुली साप
लिमला । भातमेस्या ज्वालं सोया च्वन उत्तराया छु याना च्वन
धका । उत्तराया ख्वाले हाक किना च्वंगु खना न्हिला च्वन ।
सिरिमा बेश्या मिजं न्हिला च्वंगु खना विचा यात— थ्व
मिजंया उत्तरा आतकं यो खनि । थ्व छ्येँ यक्व सम्पत्ति
दु । उकिं जि हे थ्व छ्येँया मालिक ज्वीमा । उत्तरा
दत्तले जिगु इच्छा पूरा ज्वी मखु धका मती तया कुने कुहाँ
वना दायका तगु ध्यो उत्तराया छ्यने लुना विल ।

उत्तरां सिरिमा बेश्यामा प्रति द्वेषभाव मतसे वं याना जि
धर्म याय खन धका गुण लुमंका अधिष्ठान यात जिगु छु दोष
मदु, वया! प्रति द्वेषभाव नं मतया उकिं वं लूगु क्वागु ध्योलं छुं
मज्वीमा । उत्तरा सुं क सहयाना छुं मजुसे सुं क च्वं च्वन ।
वयात छुं नं जु नं मजू । सिरिमा बेश्याया ध्यो क्वा जकं
मक्वाला धका हानं मि दन दन च्याका ध्यो क्वाका ल्वीत
सुं बले उत्तराया पासानिं सिरिमा या सुं ज्वना वरा जिमि
पासा क्त ध्यो ल्कीम्ह छ धका सस्ति यात । उत्तरा क्वा छिने

याना सिरिमा यात विचा या वन । गन स्यात थें छन्त धका
म्ह तिया उसि उसि याना च्वन ।

थुलि मैत्री चित्तं विचा यागु खना सिरिमा बेश्याया मने
पश्चाताप जुल । अहो जि फ़ि न्यान्हुया लागी जक वयामेसिया
गज्योगु पाप मती वोगु । थज्योम्ह भिम्हेसित स्याय्त सना ।
एनं जिगु प्रति द्वेष भाव मतः । क्कन जित दाल धका नुग
मछिका जितन्तुं विचाः या वल । वयाके जि क्षमा मपवन
धासा जिगु छ्यां न्हेकु दला सी । थथे मती तथा क्षमा पवन ।
अले उत्तरां धाल जिमि गुरू भगवान बुद्ध याके क्षमा पवना
बुद्धया शरणे वना छंगु जीवन सुधार यासा जक क्षमा लगे ज्वी ।
सिरिमा बेश्या उत्तरा नाप बुद्ध याथाय् वना क्षमा पवन ।
खँ फुकं न्यने धुंका बुद्धं उपासिका उत्तरा याके न्यना विज्यात ।
सिरिमां छन्त क्वागु घ्योलं छ्यने लू वले छु मती वल ले ?

भन्ते— वं याना जि बाछि जक जूसां दान बिया धर्मया
खँ न्यने खन, धम याय् खन वहे गुण लुमंका मैत्री चित्त तथा
च्वना । अले बुद्धं धात्थें उपासिकां उलि मैत्री चित्र बःलाका
करपिनिगु मन वदले याय्माः धया विज्यात ।

थ्व वाखने उत्तरा उपासिकां थःगु छ्यने विना कारण घ्योलं
लुना बिल नं सहयागु खँ एक्क स्वेवले आपासिया मती च्वनी
अथे सह यायगु ज्यूला धका । थन उपासिकाया चमत्कार हे थ्व
खः । उलि सह मयागु जूसा व सिरिमा बेश्याया हाकुगु
नृग, लोभीगु चित्त, मभिगु मति वदले मजुल खँ ।

२८)

तर थौंकन्हे या समाजे बाखँ सफू अनुसारं सहयासा नं
मभिं पिनिगु मन छत्ति बदले मजू । थुकिया कारण छता दु कीके
मने दुने धात्थेंया मैत्री चित्त मदु । उपदेश विया च्वनी पिनि
हे हाकुगु नुग यचुया मवो । ईर्ष्या व द्वेष भाव कम मजू ।
कीगु हृदय अर्थात् चित्त गुलि शुद्ध ज्वी मागु खः उलि शुद्ध मजू ।
धर्म कर्म यासा नं देखावटी जक तमासी जक जुया च्वन । अथे
धका धर्म याइपिं सकलें अज्योगु मन दुपिं मखु । उकिं धर्म ल्यना
च्वंगु खः । कर्तव्य समझे जुया धर्म याना च्वंपिं नं दु । तर ध्व
वाखने गज्योगु चमत्कारया खँ न्ह्यथना तथा थुखे पाखे उस्त
मनूते ध्यान मवं । चटक क्यनेगु, छो वैगु, सर्कस क्यनेगु थें जागु
चमत्कार पाखे जक मनूते विश्वास अपो । ★

लेखकया मेमेगु सफूत

नेवा भाय

- | | |
|----------------------------|---------------------------|
| १) गौतम बुद्ध | १३) बौद्ध ध्यान |
| २) बुद्धया अर्थनीति | १४) बाखें भाग-१ |
| ३) तथागत हृदय | १५) बाखें भाग-२ |
| ४) त्यास | १६) बाखें भाग-३ |
| ५) दश संयोजन | १७) बाखेंया फल भाग-१ |
| ६) भिक्षुया पत्र भाग-१ | १८) बाखेंया फल भाग-२ |
| ७) भिक्षुया पत्र भाग-२ | १९) धम्मचक्रपुवत्तन सुत्त |
| ८) पेकिङ्ग स्वास्थ्य निवास | २०) शान्ति व मैत्री |
| ९) बौद्ध शिक्षा | २१) बोधिसत्त्व |
| १०) न्हापां याम्ह गुरु सु | २२) मूर्खंमह पासा मज्जू |
| ११) मां-बौ लुमन | २३) श्रमण नारद |
| १२) हृदय परिवर्तन | २४) ईर्ष्या व शंका |
| | २५) चमत्कार |

नेपाली भाषा

- | | |
|--------------------------|----------------------------|
| १) नेपाल चीन मैत्री | ६) पञ्चशील |
| २) बुद्धवाद | ७) शान्ति |
| ३) बौद्ध दर्शन | ८) बौद्ध ध्यान |
| ४) नारी हृदय | ९) पेकिङ्ग स्वास्थ्य निवास |
| ५) बुद्ध र यावहारिक धर्म | |

धर्मकीर्ति प्रकाशन :-

नेपाल भाषा:

- १) बुद्धया किनिगू-विषाक
- २) अभिधर्म भाग-१
- ३) मैत्री भावना
- ४) ऋद्धि प्रातिहार्य
- ५) योहा म्हाय्
- ६ पञ्चनीवरण
- ७) बुद्ध धर्म
- ८) भावना
- ९) एकताया ता:चा
- १०) प्रेम छु ज्वी
- ११) कर्तव्य
- १२) मिखा
- १३) बुद्धया अन्तिम यात्रा-१
- १४) " " यात्रा-२
- १५) त्रिरत्न गुणस्मरण
- १६) परित्राग
- १७) कर्म
- १८) प्रार्थना संग्रह
- १९) बाखँ भाग-१
- २०) " " २
- २१) " " ३
- २२) मत्ति भिसा गति भिनी
- २३) बौद्ध ध्यान
- २४) पञ्चशील
- २५) हृदय परिवर्तन
- २६) ह्यापांयाह्य गुरु सु ?
- २७) बोधिसत्व
- २८) शाक्यमुनि बुद्ध

- २९) अनत्त लक्खण सुत्त
- ३०) वासेट्टी थेरी
- ३१) धम्मचक्रकप्पवत्तन सुत्त
- ३२) लक्ष्मी द्यो:
- ३३) महास्वप्न जातक
- ३४) अभिधर्म भाग-२
- ३५) बाखँया फल भाग-१
- ३६) " " भाग-२
- ३७) जातक बा:खँ
- ३८) राहुलयात् उपदेश
- ३९) अहिंसाया विजय
- ४०) प्रौढ बौद्ध कक्षा
- ४१) मूर्खम्ह पासा मज्जू
- ४२) बुद्धया अर्थनीति
- ४३) श्रमण नारद
- ४४) क्षान्ति व मैत्री
- ४५) उखानया बाखँ पुत्र:
- ४६) पालिभाषा अवतरण
- ४७) पालि प्रवेश
- ४८) चमत्कार

नेपाली भाषा :

- १) बौद्ध प्रश्नोत्तर
- २) बौद्ध दर्शन
- ३) नारी हृदय
- ४) बुद्ध शासनको इतिहास
- ५) पटाचारा
- ६) ज्ञानमाला
- ७) बुद्ध र वहाँको विचार
- ८) शान्ति
- ९) बौद्ध ध्यान